

欽定剿平三省邪匪方略

欽定剿平三省邪匪方略續編卷十九

癸亥年

十月初二日

癸亥

勒保奏言查貴州官兵尙有應

撤二千餘名連日

臣

分札調取其在川北軍營

者至綏定取道其在嘉陵江防守及川東軍營

者至重慶歸集分起啟行派令副將趙得功叅

將馮元遊擊夏雲龍都司張文景袁寬文自新

守備鍾廷孝管領計月內均可次第出境以上

所撤各路貴州官兵共又有二千三百六十員
名連前共撤過貴州官兵四千八百四十餘名
現在四川外省客兵業經全數撤盡自起程之
日起至出境之日止仍照軍營分例計程按日
給發鹽菜夫價俾利過行至嘉陵江爲川省緊
要之處此時雖無竄匪而一二零星逃散遺孽
或假充良民偷渡川西各處亦恐爲地方之

害仍須有兵巡哨以資防範除廣元一帶毗連
陝境之地已派令總兵呂朝龍叅將閔懷希帶
兵千名分卡防守與陝省官兵彼此會哨外其
保寧順慶重慶等屬沿江州縣地方久經寧謐
然亦不可竟無兵防臣現在飭令保寧順慶重
慶各營酌派本營官兵就近設卡江岸以爲盤
詰奸宄之用此項兵丁酌給口糧一分毋庸給

與鹽菜等項以歸節省至連日各路官兵防哨
情形據守備李思貴在鸚哥嘴山內搜獲零賊
殺斃一名生擒七名經臣訊明正法又副將桂

涵在杜家溝老林搜捕有零賊十四人跪地投

誠經桂涵解送前來臣親加查訊實係悔罪自

投情尙可原已交原籍地方官收明管束又總

兵蕭尙佐在巫山地界盤獲零匪二名亦經訊

明辦理至太平大寧一帶邊境連日經總兵田
朝貴等帶兵排搜所有城口修溪壩百里荒等
處老林均已無賊惟尖山壩謝家壩花山等處
尙未搜淨現飭副將馬應國叅將羅思舉等幫
同田朝貴分派兵勇實力窮搜又楚省餘匪三
四十人經總兵慶溥督同都司麻光裕等帶兵
追捕現在竄至大寧邊界木碗坪鐵瓦寺一帶

臣

飛飭總兵馬瑜分派兵勇協同慶浦圍捕諒

卽日可期辦竣至川省向來無事時卽多匪類

遊民搶奪滋事此時當大兵之後更須嚴密查

拏茲先後據署閬中縣知縣沈咸賓拏獲多名

皆假充教匪搶奪殺人審明後

臣

卽各令就地

正法示衆再前據豐紳一路拏獲賊匪黃貴卽

係余佐斌改名等情經解訊供情舛錯分別札

查茲審明該犯實係詹學海有胞兄詹學禮
爲証該犯前在洋縣行竊周明新家銀兩逃走
沿途不敢說出真實姓名行至大寧地方經守
卡官兵問伊是否余佐斌伊不知余佐斌爲何
人隨口答應等語一查該犯以畏避竊盜之罪
含糊冒認逆犯姓名幾致誤陷重罪實屬愚民
無知茲既審明實情仍應按照竊盜本律計贓

治罪至大寧縣知縣郭南英於該犯到縣時任
其附會前供不能查出真情冒昧具稟實屬不
合該員前曾

恩賞戴藍翎應即摘去以示懲儆再川省自剿辦教
匪以來時歷八年蹂躪地方五十餘處凡軍營
打仗則有隨征鄉勇地方防守又有官招鄉勇
及民間自行團練之鄉勇維時起事倉猝此項

征勇團勇若無人管帶必致漫無約束是以擇
其中之才力出衆者設立軍功名目每勇數十
人酌派軍功一人以資統率其有禦賊出力者
虛給頂戴以示嘉獎此軍務喫緊之秋爲策勵
衆心起見不得不如此權宜辦理之故也惟是
爲時旣久文武各官未免濫觴其在軍營始則
由提鎮賞給後卽有將領各自賞給者其在地

方始則由督撫賞給後卽有司道以下等官亦
自賞給者甚至賞及四品五品頂戴殊覺過分
川省情形如此陝楚二省必亦大畧相同茲當
大功全蕆此項軍功人等爲數甚多其原賞文
武各員或陣傷亡故或陞調凱旋從前並未咨
報有案以致漫無稽考此時若不詳悉清查恐
啟將來影射之弊但該軍功等出力日久若因

軍務已竣全行追繳又不足示信於民且慮衆志驚疑易滋浮議然不加以限制亦非慎重名器之道

臣

現在將川省軍功人等詳加查核如

實係帶勇日久著有勞績者無論從前何人所

賞均由

臣

衙門給予執照其勞績較深者酌給

千把頂戴勞績稍淺者酌給外委頂戴以酬其數年禦侮之勞卽從前結過四品五品頂戴者

概令更換以符體制其雖曾充當軍功帶領鄉
勇給過頂戴而並無勞績可指者概將原給頂
戴追繳以杜冒濫至此項應給執照軍功現在
次第查辦統俟辦竣後分別彙造清冊咨部立
案准其頂戴榮身設有詞訟刑官仍照齊民決
罰以免恃符滋事倘該軍功等有情願歸營効
力者無論何項頂戴均准其作爲外委拔補如

此則於慎重名器之中仍寓鼓舞人心之意似亦善後事宜中之一端奏入

上命軍機大臣傳諭勒保曰此時川省客兵業經全數撤完至本省各官兵自未可卽時議撤該省山內老林零星未淨之賊此次各路搜獲者卽有二十三十名可見匪徒未能絕跡前據該督奏稱田朝貴一路有零匪數十人本日摺內並未敘及該鎮

排搜淨盡現飭馬應國羅思舉幫同分捕而楚省
餘匪三四十人又竄至大寧邊界此等零匪保無
因天氣漸寒蹙匿山內而官兵等心存大意遂以
冰雪互寒爲詞搜捕懈弛迨至春融氣暖匪徒復
乘間出擾勾結漸多則又與前數年剿辦時每至
冬間賊數卽行漸少一至交春輒又增多何異現
已久報肅清勒保務當嚴飭各路鎮將等仍前奮

勉實力搜擒儘此月內務使山林餘匪不遺一孽
仍加意巡防直至來春永就寧謐方可以撤兵藏
事如稍有疎懈或至餘匪未淨來春復有萌孽則
惟該督是問又所奏嘉陵江爲川省緊要之處恐
一二零星竄匪或假充良民偷渡川西爲地方之
害仍須留兵防範等語所慮亦是但祇可密爲辦
理不可過於聲張川西等處地方久經寧謐此時

若又以防範竄匪到處宣布恐愚民聞之又生驚
疑該督惟當不動聲色密劄文武各官留心察訪
遇有形跡可疑之人卽行盤詰究辦勿令遺孽潛
逃貽害地方爲要至請清查軍功人等頂戴分別
辦理一節所奏殊未允協從前軍務需人之際該
軍功等均曾効力行間其所給頂戴冒濫者固所
不免而實在出力著有勞績者亦復不少今大功

甫經告竣卽將伊等頂戴概行追換不但不足示
信且人數衆多其中馴良者卽少有屈抑尙能順
受若桀驁者心生觖望或致又生他慮此事非勒
保一人所能定議交大學士九卿詳悉妥議具奏

同日吳熊光奏言

臣

於竹谿途次接據鄖西縣

知縣孔繼樞稟報陝西洵陽地方有賊一股約
二百餘人於九月初九日竄至鄖西邊界之間

家坪一帶經該縣督率義勇截剿鎗斃賊匪二
名搶獲賊馬二匹投出難民一名該匪見義勇

堵禦甚嚴陝省官兵又星夜追剿不敢直奔鄖

境卽折向西竄現有提督楊遇春總兵楊芳緊

躡前進等情臣查鄖西義勇素稱勇敢可靠而

該縣漫川關地方尙有副將朱士奉帶兵五百

餘名在彼防守臣已飛飭孔繼楫朱士奉督率

義勇官兵偵探賊蹤晝夜嚴堵以免闖入現聞
經畧額勒登保已親往督剿諒不難卽日殄除
又據叅將李貴都司麻光裕等稟稱該將等所
追零匪因見官兵分路窮追總由南山老林不
擇路徑向西狂奔直趨川楚交界之老林孔關
山一帶該處守卡遊擊薛忠全帶兵往外搜山
適有總兵慶溥派出巡查之都司趙先貴帶兵

趕到將該匪衝爲兩起一向川省大寧木碗坪竄去一折回楚境順水溪一帶隨後都司麻光裕帶兵趕到擒獲賊匪張大元一名訊據供稱此起零匪係王姓爲首原只二十多名多是四川人又有從前散開的賊被官兵搜捕緊急陸續湊合共有四十多人商明併力衝回川省不料奔到老木孔地方被官兵截爲兩起王姓帶

了二十多矛手逃過川境還有十幾個矛手仍
折回順水溪奔逃等語現將張大元解送審辦
都司麻光裕趙先貴帶兵入川追剿叅將李貴
與遊擊李東宣等卽赴順水溪一帶搜捕折回
之賊等情並據總兵慶溥稟稱該鎮駐劄之處
相距老木孔三百餘里因採聞零匪西竄卽派
趙先貴巡查各卡並帶兵向東迎截不意該匪

於薛忠全所管段內竄回川境等語

臣

查慶溥

駐防地方相距賊竄之處較遠至遊擊薛忠全
於賊匪竄至所管段內查明往外搜山屬實但
不能截獲致使分逃入川究有應得之咎相應
請

旨將遊擊薛忠全翎頂先行摘去仍令戴罪防堵如
再有疎懈等事從重治罪其折回楚境順水溪

一帶之賊爲數無多現經副將呢瑪善趕赴該處督同李貴等分投搜捕似可卽就廓清但順水溪零匪復折向房境山內奔竄而鄔西文報亦與房縣易通是以

臣

仍回房城駐劄以便就

近督辦茲行至竹山又據叅將毛秉剛稟報該將帶領兵勇由歸州興山向房縣搜捕外委李世坤在興山五聖寨地方搜獲賊匪四名外委

施之豐軍功邱林在興山白洋山地方搜獲賊

匪二名俱送交興山縣收禁等語

臣

已知會提

臣虔成就近提審分別辦理奏入

上命軍機大臣傳諭吳熊光曰陝省洵陽地方有賊

二百餘人竄至郿西邊界此股賊匪自卽係南山

竄出之賊前據陝省奏到其匪衆約有二百餘人

并有騾馬等項往鎮安洵陽一帶奔竄今經湖北

省堵禦嚴密仍將該匪截回辦理尙屬妥協孔繼
樞向來辦理防堵事宜素爲出力前已加恩賞加
同知銜並賞換花翎伊從前於齊王氏姚之富等
大股肆竄之時尙能堵截殲斃此時陝省殘敗餘
匪堵禦更屬不難吳熊光惟當鼓勵該員會同副
將朱士奉督率兵勇加意防範設該匪等再有折
竄之事惟當奮勉堵剿以便陝省官兵跟追夾擊

况三省搜捕零匪久經馳報肅清此時一二未淨之賊若仍任其來去自如豈不又如前此賊蹤散漫時乎現在楚省餘匪尙未能就地殲淨又有竄向川省大寧者若陝省之賊復聽其闖入鄖西一帶又成故套尙復成何事體至叅將李貴等所追零匪上次吳熊光報到則祇稱首逆王世輝等帶領矛手二十四人往竹山奔竄此次摺內又稱獲

犯供稱陸續湊合共有四十多人數日又復增添
看來軍營所報賊數總不確實此時該逆既分兩
起奔竄其竄往川省者吳熊光當嚴飭麻光裕等
帶兵上緊尾追與川兵夾擊其逃往順水溪一帶
者卽飭遊擊李東宣等迅速搜捕總須趕緊剿淨
務於十月內一律蕪事爲要至遊擊薛忠全於賊
匪竄至所管段內不能截獲咎有應得尙何足惜

吳熊光僅請將該員翎頂摘去所辦尙輕薛忠全著拔去翎頂降爲千總以示懲儆如再有疎懈卽行從重治罪其所管汛地著再另派大員一人前往督率防堵

初四日

乙丑

額勒登保奏言

臣

由平利白土關取

道興安探蹤策應途次接准吳熊光來信知麻光裕所追零匪三十餘人於初三日被兵趕剿

緊急該匪由關山界嶺分遁老林竄入川境向
家壩脉光裕慶溝均各帶兵追躡入川又據馬
瑜稟報楚境零匪數十人由向家壩竄入三岔
溪經派出都司史定川帶兵迎擊斬獲數人現
與楚省追兵合力搜緝並據慶溝稟報亦屬相
同查楚省只有此起零匪今被剿竄川楚境均
已寧謐

臣

飛咨吳熊光嚴飭鎮將防範邊界不

許再有零匪一名竄入並飭地方官嚴查遺孽
以冀永戢敕寧又據探報南山零匪連日由鎮
安之羅家峽竄向洵陽滾干嶺有東竄鄖西尖
山壩之勢臣聞信之下飛飭各路官兵星夜抄

顧東面截擊

臣

亦卽兼程由興安渡江顧東策

應十五日據楊遇春呈報該提督因零匪東竄
星夜督率官弁兵勇由穆王坪廟坡分道顧東

抄截初九日楊芳帶兵趕至鄆西屬之高橋溝
抄出賊匪之前二更後該匪狂竄而來楊芳親
率叅將李英多祝廷彪遊擊朱集才等帶兵迎
擊該匪抵死抗拒計圖衝出楊芳督率官兵與
賊攪殺斃賊十餘人遊擊朱集才藍翎軍功周
榮禮被賊矛傷陣亡兵勇亦傷亡數名叅將李
英多亦帶矛傷數處尙不甚重官兵鼓勇直前

黑暗之中賊匪不識我兵多寡俱各驚惶亡命
乘夜折竄陝境羊山欲南趨洵陽之雙河口經
該縣知縣嚴如煜都司何文韜帶領官兵寨勇
扼要堵截該匪不敢南趨卽北折鎮安之黃龍
舖經楊遇春帶兵趕剿而來該匪探悉前面有
兵卽由磨石溝蔡家坪一帶西遁臣恐該匪折
入老林剿辦又須費手一面飛飭楊遇春緊顧

北面堵截該匪入楚之路一面飛飭楊芳等竭力追緝不予以暇

臣

由汪茫山仁河一帶探蹤

而進連日由燕子嶺手攀崖長坪龍王溝進發途次詢據寨民僉稱該匪約有二三百人晝夜狂竄並不休息沿途只搶掠食物並不殺害百

姓二十三日趕至石泉之獅子壩探報該匪於十九日奔雲霧山二十日竄至七星壩乘夜搶

得農船二隻業已南竄西鄉屬之白沔峽十二
嶺一帶楊遇春楊芳與特依順保均於二十二
日陸續渡江追躡而進查該匪係剿潰餘氛詭
詐已極我兵於十日之間兼程追躡計行一千
五六百里乃未能趕上掃除仍令竄逸

臣實深

憤恨之至現已飛飭楊遇春等合力趕剿

臣亦

由石泉過江親身督率以期早靖殘氛查山內

殘匪現經各路官兵盡數通過漢江南山全境
並無遺孽

臣

已嚴札山內沿山各廳州縣並營

汛員弁嚴密查緝如有無藉匪徒在地方滋事
者盡法懲治並令確查境內有無遺孽出具切
實印結具報倘有隱匿不報者嚴叅治罪並咨
明撫臣方維甸轉飭該道府一體認真督率俾

文武同心南山永臻寧謐再

臣

欽奉

上諭德楞泰現今於過陝時前赴南山會同督辦今
殘匪已竄過漢南德楞泰似可毋庸再入南山
臣現又咨明德楞泰囑其於到陝時仍由棧中
大路前赴漢南較爲安捷德楞泰到漢後臣當
探明迎往跪請

聖安回爲商籌一切德楞泰或卽在陝同辦或仍取
道太平回川另行陳奏

聖鑒奏入

上命軍機大臣傳諭額勒登保曰前因南山零匪尙有二百餘人竄至鎮安一帶屢經降旨飭令剋期搜捕淨盡今又閱多日零匪等猶復輾轉奔逃搶渡漢江竄至西鄉一帶是山內之賊乃自行出山竄越並非由官兵搜剿殲除之力而畧言全境肅清耶自奏報三省蕩平以來已逾三月而南山零

匪前據奏有二百餘人今復稱有二三百人漸覺
增多且東奔西竄到處掠食搶船渡江肆行無忌
經官兵擊剿時膽敢抵死抗拒戕害遊擊大員並
傷及軍功兵勇看此情形必有首逆倡亂之人賊
勢何曾窮蹙仍與從前竄擾情形無異總由數月
以來帶兵大員因軍務將次報竣心存懈弛不能
奮力督辦所致而摺內猶稱十日之間我兵兼程

追躡計行一千五六百里試問如此窮追何嘗趕
及賊匪擒斬一人怠玩情形卽此可見額勒登保
著傳旨嚴行申飭楊遇春楊芳前已分別拔去花
翎翎頂示懲著額勒登保再行傳旨嚴飭仍責成
該提鎮等將此二三百零匪務儘此十月內搜擒
淨絕如再有遲逾或致別有蔓延勾結必將楊遇
春楊芳一併治罪卽額勒登保亦不能辭責矣凜

之慎之至德楞泰前已諭令順赴南山會辦今額勒登保奏稱因殘匪竄過漢南德楞泰似可毋庸再入南山等語又露大意情狀矣南山林深箐密易藏奸究此次餘匪卽係由彼竄聚恐潛匿其中者未必果能絕跡巡哨鎮將等稟稱並無遺孽之語殊不足信現在楊遇春楊芳俱已帶兵追蹙潰匪額勒登保亦已過江督辦南山一帶稍覺空虛

德楞泰正當酌帶兵力親往巡查如果實無遺孽
卽由彼再赴四川計程亦不甚紆遠也又據稱德
楞泰到漢後當探明迎往面爲商籌等語前德楞
泰進京時額勒登保果能督率帶兵人員將南山
零匪及早辦淨則此時德楞泰到陝相晤額勒登
保卽可奏凱來京豈不甚善乃遲延至今迄未竣
事卽在額勒登保亦不能以亟思瞻覲等詞陳諸

奏贖惟稱迎晤德榜泰跪請聖安未免自覺無顏
總之此股賊匪一日未經辦竣額勒登保斷不准
來京供職也現在該匪等竄至西鄉已與川省界
連恐其乘間竄往額勒登保亦當速行知會勒保
札令田朝貴就近帶兵迎剿兩面夾擊若能在陝
境就地殲淨更爲妥善額勒登保當知愧知奮上
緊督辦毋得再有因循致干重譴所有此次陣亡

之遊擊朱集才藍翎軍功周榮禮均著咨部賜卹

初五日

丙寅

德楞泰方維甸奏言

臣

德楞泰於二

十六日臨潼途次接到

臣

方維甸來信並寧陝

鎮安文武稟報賊匪由鎮安洵陽竄至鄆西界

上經楊芳帶兵截回與楊遇春分路兜剿叅將

特依順保等從東北面堵截經畧額勒登保亦

自安康漢陰前來督剿賊匪聞知大兵全集連

夜折竄西南於九月二十日在石泉之七星壩
地方躡淺渡過漢江南岸竄至西鄉之白沔峽
茶鎮等情伏思南山內山深路險秦嶺太白山
一帶老林叢密處處有藏身之地搜捕每難得
手今此起零匪被官兵追截業已逼出南山兵
力可以施展轉不致久稽時日是此次賊匪渡
江實係極好機會臣德楞泰查賊竄之白沔峽

茶鎮地方皆係由西鄉入川之路賊匪於二十
日渡江迺日必已入川且聞賊匪多係川省之
人或竟奔回太平大寧等處山內潛行解散亦
未可定卽或尙在竄擾該處本有勒保督同提
督豐紳總兵田朝貴馬瑜等數路官兵臣德楞
泰親往剿辦亦屬易於撲滅計自西安至賊匪
渡江處所約有一千數百里臣德楞泰於拜摺

後卽由棧道馳驛前往漢中從西鄉一路追剿

臣方維甸已飛飭陝安道朱勲等僱備騾頭撥

給馬匹送至川境以期行走迅速所有臣方維

甸預備隨入南山之軍標撫標兵五百名俱已

停止前派防堵峪口官兵亦卽撤回本營臣德

楞泰伏思三省賊匪全平所剩者祇此湊聚之

二百餘人川省本有兵勇足敷調遣毋庸楊遇

春楊芳等越境帶兵追剿且南山地方深廣必
須分路排搜陝境甫就收寧亦須有兵彈壓

臣

德楞泰到軍營後卽令楊遇春等率領原帶剿
兵仍回南山分路搜捕以本省提鎮帶兵辦理
可期得力至額勒登保前奉

諭旨令於

臣

德楞泰到後更替回京嗣因南山零匪

聚聚增多仍留額勒登保在南山督剿今此起

零匪業已渡江陝省肅清並無應剿之賊若經
畧人留在外轉似大功尚未全完愚民無知未
免傳聞疑慮應俟臣德楞泰會晤額勒登保商
定一切額勒登保即可回京恭復

恩命臣德楞泰係川省將軍在川督剿固係專責即
或擊散後尙剩數十竄匪無論竄至何省亦即
趕往剿辦不敢區分畛域再南山雖已肅清然

林深菁密不免有匪徒乘間擾掠之事其在老
林藏匿之一二零匪亦難保其必無此皆地方
官應辦之事自應逐處搜捕務使窮鄉僻壤匪
蹤淨盡以冀仰副

聖主綏靖疆圉安輯閭閻至意奏入

上命軍機大臣傳諭額勒登保德楞額泰日南山餘匪
通過漢江竄入西鄉一帶楊遇春等帶兵躡剿額

勒登保亦已過江督辦南山稍覺空虛恐尙有餘
匪潛匿是以諭令德楞泰前往巡查今據奏賊竄
之白河峽茶鎮地方均係西鄉入川之路賊匪通
日必已入川德楞泰卽由棧道馳往從西鄉一路
追剿等語計德楞泰此時已行過西鄉將入川境
自不必再行折回前赴南山但三省久報肅清而
零匪尙有二三百人往來奔竄肆行無忌成何事

體現在該匪竄近川省想額勒登保自己若會勒
保飭令官兵迎擊德楞額馳抵該處務同額勒登
保嚴飭帶兵大員奮力兜截將此起零匪儘此月
內趕緊辦淨毋再遲延據稱聞賊匪多係川省之
人或竟奔回太平大寧等處山內潛行解散等
語恐未確實前楚省獲賊原有各匪徒多欲竄入
川省之供昨據吳熊光奏到零匪二十餘人已寬

四川大庠邊界今陝省零匪又向川境奔逃情形
甚覺可疑恐該省山內一帶必有爲首倡謀之人
卽如苟朝九余佐斌等犯迄今未就職擒難保其
不潛蹤勾結復思竄擾務當嚴密訪查剷除絕跡
總之該匪等既經竄聚未必肯潛行解散卽解散
亦不足信或被官兵追急或因天氣漸寒暫向山
林四散躲避迨至春融又不免糾合出擾若此語

一經傳播鎮將官兵等必致心存鬆懈相率觀望而賊匪竟得藏身自固逾時復出殊有關係額勒登保德楞泰切勿稍涉大意速行督飭盡數殲除爲要至所稱額勒登保俟德楞泰到後更替回京一節殊可不必此時零匪尚未辦淨昨已降旨諭知不准額勒登保卽行回京想伊辦賊未完亦斷不肯卽行就道若以其久留在外轉似大功尙未

全藏愚民聞知未免驚疑殊不知大功告成後或有餘孽未盡經畧大臣在彼多駐數旬務臻完善此尙事理所有倘辦理稍有疎率額勒登保回京後或仍須復行馳往督辦則真駭人觀聽額勒登保自能權其輕重也又據奏德楞泰到軍營後卽令楊遇春楊芳率領原帶剿兵仍回南山分路搜捕等語自當如此辦理該二員均係陝省提鎮南

山是其本總地方自應責成搜緝着額勒登保傳諭楊遇春等卽速回陝務當周歷巡查詳細搜捕如果實無遺孽卽出具印結咨送方維甸具奏再當核其功過也嗣後奏報追捕情形仍照常馳奏如能將此起竄匪卽時辦淨着卽由五百里具奏以慰厯注

上又命軍機大臣傳諭方維甸曰山內零匪既經官

兵分路兜截逼過漢江次省境內現已肅清但如
摺內所稱南山林深菁密其在老林藏匿一二零
匪亦難保其必無仍應逐處搜捕等語南山地方
深邃現在經畧又已過江山內兵防微覺空虛楊
遇春楊芳係陝省提鎮大員現無須伊等帶兵入
川追賊已諭知額勒登保等飭令該提鎮帶領原
兵回陝入山搜捕該撫應卽咨催務令伊等親身

率領弁兵深入老林逐處排搜並嚴飭該地方官
鼓勵寨勇協同實力查拏無論深山僻壤總須巡
緝周密斷不可使再有遺孽潛伏統限十月內搜
查淨盡俟山內實已肅清卽令該提鎮及地方各
員具結咨報該撫仍嚴密察探務得結報確實毫
無捏飾卽具摺由驛馳奏

欽定剿平三省邪匪方略續編卷二十

癸亥年

十月初七日

戊辰

吳熊光奏言

臣

探知陝省賊匪

向鎮安洵陽一帶奔竄人數稍多或需馬隊衝

擊當卽咨詢額勒登保去後茲准額勒登保札

覆令該官兵前往興安聽候指派等因

臣

當飭

支發鹽糧撥給鍋帳令和隆武全數帶往興安

聽候額勒登保調派並據鄖西縣孔繼樞稟報

該匪竄至鄖西邊界經義勇併力堵截又經陝
省官兵抄擊該匪折回鎮安青銅關燕子嶺一
帶相距鄖西邊界二三百里等語

臣

仍飭令加

意守禦以防折竄又南路房竹零匪前由遊擊

薛忠全所管段內分竄入川經

臣

令都司麻光

裕趙光貴入川追捕在案茲據總兵慶溥稟稱

該鎮復派薛忠全跟蹤追擊據薛忠全稟稱追

至四川桃花寨地方探知該匪在山頂藏匿適
川省都司史定川帶兵四十餘名搜捕到來彼
此會勦於二更時各帶兵勇由左右山梁分道
進襲刀砍矛戳殺斃賊匪五名生擒四名滾巖
跌斃十餘名餘匪無幾四散現在沿山搜捕等
情都司麻光裕因此起餘匪現有都司史定川
等接辦已仍回楚境防堵其餘沿邊鎮將俱稱

往來排搜會哨並無賊蹤至呢瑪善等所追境內零匪十餘名復又四散分逃現飭趕緊窮搜以期肅清全境奏入

上命軍機大臣傳諭吳熊光曰此時楚省零匪無多而額勒登保追剿南山竄出匪衆尙有二三百人自應將東三省馬隊官兵就近撥往所辦好現在額勒登保及德楞泰均由西鄉一帶前至川境搜

剿得此馬隊官兵自更得力至由楚竄川之零匪
數十名經都司麻光裕等帶兵入川追捕適川省
都司史定川亦帶兵會剿殺斃五名生擒四名滾
崖跌斃者十餘名所剩餘匪無幾此卽薛忠全疎
縱之賊在川境剿散今雖據稱薛忠全跟蹤追擊
未足爲伊之功著吳熊光查明如果薛忠全自知
愧奮將此零匪剿捕淨盡再行據實具奏其呢瑪

善等所追境內零匪十餘名並著吳熊光督飭上
緊窮搜務令尅期淨盡

十四日乙亥額勒登保奏言臣於二十三日率師

由石泉過江取道柳溪梅湖向南過東截擊二
十五日行抵兩河探報該匪由十二嶺老漁壩
奔竄楊遇春督率官兵出硃砂硎簡家坡紅廟
子緊躡追剿至木竹壩追及賊尾楊遇春親自

督兵殺斃賊十餘人得獲騾馬九匹該匪翻山
狂竄楊遇春星夜由紫陽瓦房店取道仁河顧
東截擊

臣

又飛調分防鐵佛寺之副將劉管城

帶領營卡防兵緊扼仁河高灘鐵砭溪東岸堵
截該匪不敢東竄須防其折竄而西

臣

隨取道

王黑壩黛石川顧西抄截該匪果探知東面有
兵卽由葛河口向南奔竄二十六日楊遇春趕

抵黃瓜溪派令副將吳廷剛都司劉滿貴帶領
弁兵乘夜襲剿五更行抵賊屯殲斃賊匪九名
生擒九名餘匪聞聲驚竄楊遇春仍督率楊芳

祝廷彪等帶領官兵向西趕剿

臣

於二十八日

師次小河口探悉該匪竄入漁溪河向西奔逃
隨於二十九日五更發兵向觀音堂而進午刻
冒雨行抵該處正遇該匪由大茨溝竄來卽派

副將唐文淑參將哈豐阿劉健標侍衛格綢額
色克通阿率領前隊官兵向前衝殺

臣

親督大

隊由銀硯梁繼至俯見該匪恃其馬匹竟與官
兵衝突情形可惡當卽分兵兩路令遊擊張聯
奎鍾慶官由山梁呐喊下壓唐文淑同侍衛將
領馬隊官兵一齊奮力鎗箭並發射死騎馬執
旗賊人三名該匪始驚惶丟棄騾馬搶上對面

峭壁險山我兵人人奮恨隨卽攻上該匪猶敢

恃險抵拒

臣

親督官兵覓路搶殺斃賊十二名

生擒十二名該匪畏懼向上白河竄去

臣

以該

匪已經潰敗必須竭力乘勢掃除不敢稍予以

暇仍飭楊遇春躡蹤緊追

臣

由八廟河星子山

顧西北抄截初二日定遠九真壩防堵副將朱

槐探聞賊由東面竄來卽挑帶防兵二百餘名

探蹤迎擊黎明行抵小祥壩大霧迷漫正遇該
匪經楊遇春由東溝緊追竄出朱槐帶隊行走
辨認未清猝被矛傷與千總石廷相外委王穎
翠同時陣亡兵丁被衝亦有傷亡該匪又搶得
騾馬十餘匹午刻楊遇春率兵追至該匪卽搶
上馬鞍山險峻山梁楊遇春督催搶殺該匪恃
險擲石抵拒情猶兇悍馬隊官兵皆下馬步行

覓路而上鎗箭斃賊數名該匪見楊遇春所帶官兵無多竟敢下壓數次佐領廣音保藍翎領催筆帖式素圖在前用箭抵禦猝中矛傷陣亡副叅領吉勒彰阿腰受石傷尙不甚重維時

臣

已至紅石槽相距三十餘里聽聞鎗礮知係我兵與賊接仗飛飭唐文淑哈豐阿劉健標帶領前隊循聲前赴小祥壩策應時楊遇春之後隊

亦陸續分路趕到賊見我兵雲集趁天色已晚
遂西竄青崗林一齊奔逃該處南可以入川界
西北可通巴山老林查陝省匪徒均經搜捕淨
盡該匪不過二百餘人係殘敗遊氛亡命狂竄
連勦數次尙有一百七八十人未能悉數掃除
實堪憤恨且將領反有傷亡尤屬萬分不值
臣
現與楊遇春會晤熟商賊匪詭譎多端官兵於

奮勇之中尤須謹慎仍令楊遇春督率楊芳吳
廷剛跟蹤而進

臣

取道緊顧西北探勦策應并

飭地方官傳知寨堡百姓與西路營卡防兵一
體嚴防堵截再楊遇春前於總兵任內聞訃丁

父憂經

臣

奏留軍營未能回籍仰蒙

皇上恩賞銀五百兩以資祭葬

准令軍務告竣請假祭掃今又聞訃丁母憂查楊遇

春現在搜剿餘匪以將來邊防事宜有該提督
親身督辦兵民均可得益現在楊遇春之子藍
翎把總楊國祚亦在軍營臣聞信後當卽諭令
回籍同楊遇春胞弟都司楊逢春辦理喪務以
安楊遇春之心該提督伏地流涕據稱楊遇春
渥受

主恩涓埃未効惟當以

國事爲重斷不敢因私廢公等語

臣

察其詞意實

出至誠當卽曲爲寬慰仍令帶兵追躡前進理

合奏

聞奏入

上命軍機大臣傳諭額勒登保德楞泰曰此次殘匪
向南奔竄副將朱槐等倉猝被害殊屬萬分不值
朱槐向在軍營帶兵尙屬出力今因迎擊賊匪猝

被矛傷陣亡。自由伊等見零匪無多稍涉大意。閱摺內所稱該匪竟與官兵衝突。又稱竟敢下壓數次。詞句之間多有輕視賊匪語氣。看來額勒登保及楊遇春等自馳報肅清以後。均未免心存輕忽。即從前該匪等在南山奔竄日久。未能辦淨。亦未必不由乎此。現在該匪等尚有一百七八十人。西鼠背崗林一帶。或尚有著名頭目如苟朝九余佐。

斌等改易名姓隱匿糾結亦未可定此股零星湊
集殘匪竟至戕害大員及弁兵多名罪大惡極無
可憐憫須按名擒斬以絕根株此時楊遇春等跟
蹤前進德楞泰諒已到彼額勒登保當會同嚴飭
楊遇春及鎮將等趕緊追擊趁該匪等全夥奔竄
正可儘我兵力兜截聚殲况吳熊光挑留馬隊官
兵一百員名現又到彼額勒登保等軍威益壯勢

於月內督率辦完毋再遲緩卽此股餘匪已就殲
除仍恐尙有一二零匪潛匿山內過冬或來歲春
融復出滋擾必須剷除淨盡德楞奏俟此股辦竣
後且不必回任當在川陝邊界地方往來偵緝須
至來年春間如果一無萌孽可期日久牧寧彼時
德楞奏明再行回任亦不爲遲又據奏楊遇春
呈報伊母病故該提督前丁父憂因在軍營未經

回籍今又丁母憂適值帶兵趕剿殘匪不能回籍
守制該提督亦情願勉力帶兵殊可嘉憫著額勒
登保傳諭楊遇春先行賞給銀五百兩爲辦理伊
母祭葬之費仍暫留軍營帶兵俟此股零匪辦淨
後卽飭令回籍守制以安其心俾益加感奮速行
蒞事所有陣亡副將朱槐千總石廷相外委王頴
翠佐領賡音保藍翎領催筆帖式素圖均著咨部

賜卹

十五日丙子勒保奏言竊查川省地方情形日臻

寧謐臣近日復於兵勇內擇其零星小隊量加

裁撤統計自八月初旬起至九月底止共撤過

官兵一萬三百餘名又撤過隨征鄉勇四千八

百五十餘名至留防兵勇前此原議川省酌留

兵勇一萬二千名分段防哨今臣察看情形川

省可毋須留此多兵是以復於一萬二千數內
量加裁減此時實留官兵七千餘名征勇二千
餘名已足敷分段防哨之用所有各路搜捕情
形川省零匪近日本已無幾

臣

復節次嚴飭排

搜頭據田朝貴一路具報守備張應錫在旗桿
山搜獲賊匪二名守備郭成在淤窩坑搜獲賊
匪二名均卽查訊辦理其餘各處山林並無藏

匪之匪惟前此楚省有餘匪三四十人經總兵
慶溥追勦將該匪逼入川界臣飛飭馬瑜派兵

按辦茲據馬瑜稟報該匪於九月十三日竄至
大寧所屬金竹坪假充官兵在該寨住宿並未
搶掠傷人次日央及該寨民陳見文帶路向陶
家寨取道而去隨又探至金竹坪詢問寨民知
該匪已假充官兵混過當卽分兵向陶家寨一

路追捕適楚省帶兵跟蹤之遊擊薛忠全等同
時趕到一同採蹤緊躡該匪被官兵追急拋棄
矛桿四路逃散官兵沿路檢得矛桿二十三根
其被誘帶路之金竹坪寨民陳見文見有官兵
追捕知係賊匪假充卽乘隙逃回當加查詢據
陳見文供稱該匪等共有四十餘人沿途飯食
都是用錢平買並未搶掠行兇又問及張長青

王國寶如何投誠的話今日聽見官兵來他們
一開而散我方知道係賊匪假充的等語經馬

瑜將該寨民保釋錄供稟報前來

臣

詳察此等

情形似此起彼匪入川有悔罪投誠之意但未
向地方官投首安插難保其不又聚而滋擾

臣

現在嚴飭馬瑜督率將備等分路緝拏不可任
其漏網如果係真正悔罪方准投誠再

臣

近據

探報陝省南山內竄出餘匪二三百人在七里壩驪渡漢江南竄查該匪既竄漢南與川省太平通江南江廣元等處路路可通設透漏入川不可不慮

臣

現在飛調豐紳田朝貴桂涌馬應

國羅思舉劉彪等各帶兵勇向太平通江南江廣元等處迎探而前再該匪如被川兵截勦或由寧羌竄過棧西則又與嘉陵江上游相近現

在總兵呂朝龍帶有兵勇千名在彼留防臣亦

已飛飭該鎮早爲防範如該匪竄入太平通江

等處臣卽在綏定督辦若該匪竄向寧廣一帶

臣當移赴保寧督辦其綏定後路一切事宜現

已調臬司劉清前來駐紮接辦

勒保又奏言竊臣欽奉

諭旨將長麟條奏川陝楚三省善後事宜妥議具奏

臣

查原奏內稱堡寨請從緩拆毀勿令棄寨歸
村一條查川省風俗置買房屋皆與地畝相連
多散處之田廬少聚居之村落嘉慶二年冬間

臣

由貴州入川總統軍務正值賊匪紛紛四竄
當卽籌商築立寨堡以爲堅壁清野之計彼時
百姓皆畏難苟安不願築寨其意總因移家上
寨距田畝較遠耕種往來諸多不便之故迨

臣

逃委幹員四處曉諭督辦始有一二士民倡始
建寨聚居共相保守及有賊氛入境均得保全
由是百姓乃聞風相效築寨數年以來每州縣
所築寨堡少者一二百處多者三四百處其小
寨不過憑高踞險搭蓋草房居民數十戶其大
寨竟有築立石垣聚集居民數百家至千家不
等內中或有因大寨去田地較遠分別小寨以

便耕作貿易亦有因小寨不能固守被賊攻破
仍歸併大寨居住近年賊氛漸清亦已有移家
下寨仍在場集修理房屋居住者總之民間聚
團結寨皆迫於勢之無可如何並非本心樂於
上寨卽日餘氛淨掃紛紛遷還故居亦無待官
爲解散其中或有寨堡與其田產附近者旣已
移建房屋似可聽其住守卽如東鄉太平等處

皆有前明舊寨不過百姓捐資修築垣牆并零星散處之戶歸於一處耳今若慮堡寨之藏垢納污悉行拆毀則凡有大小堡寨皆百姓自出已資所築愚民必不遵依况川東川北兵燹頻經堡寨遺址所在皆是此番卽有因舊壘而增修者本不必盡行拆毀自應恪遵

聖諭止就其四面無依屋宇無多者勸民自行拆毀

或一寨中居民悉數搬移間有零星小戶無力遷徙自不便聽其獨居致啟窩藏匪類之漸應卽官爲酌給屋資一律遷徙以免日久生患其重資修築大寨及舊有居民之寨堡自應聽從民便凡有不願搬移者造冊送官查核仍設立寨首照保甲之法管束烟戶不許容留匪人潛匿滋事則守望既可相助而戶口亦易編查又

收繳兵器一條查器械發給自官者本可按籍
飭令繳銷惟民間自製者千百倍於官給之物
若發價收買需費甚多不但無此閑款且鄉民
較量價值稍有不敷吝而不予誠不免有繳一
匿十之弊應如長麟所議於餘匪淨盡時傳諭
寨首自開實數清冊飭令收貯公所如有自願
繳官者仍酌給價值不許出差擾累有自願改

鑄農器者令其報明寨首眼同銷毀聽其隨便
改鑄如有擅自取用以致兵器傷人者除該犯
按例分別治罪外並將該管寨首懲儆又寨長
充當鄉正一條此卽周禮里師黨正遺法事屬
可行應請就鄉鎮之大小酌量設立鄉正或一
鄉專舉一名或兩三鄉合舉一名就近專司查
考保甲其原奏所稱出力之保甲許鄉正報官

獎勵容留奸匪者治罪均應如所議辦理惟所
請三年考績准其加級請

封及每遇三年奮勉無過准其加級一次之處未免
無所限制亦非慎重名器之道應在糧戶中擇
其家有田產爲人妥實年在四十以上家有次
丁者公舉著充免其本身差徭三年役滿報替
如能實力稽查所管段落內中並無匪竊娼賭

等案由州縣官旌以花紅匾額倘有通同保甲窩留匪徒及知而不舉者仍著地方官隨時查辦庶於清查保甲之道多所裨益均奏入

上命軍機大臣傳諭勒保曰勒保奏田朝貴等排搜各處山林藏匿之匪均已搜捕淨盡等語未可盡信連年以來每冬令後賊匪卽形減少迨至春融復行湊聚滋擾此時零匪旣已肅清而天氣漸寒

各處山林叢雜難保無一二殘孽潛匿過冬官兵
見經過地方無成羣之賊遽以搜捕淨盡搪塞又
誣肯向深巖密箐中窮極搜尋僅以虛詞具稟一
交春令該匪等或又竄出勾結尙復成何事體至
此次楚省餘匪竄至金竹坪恐被該寨民知覺擒
拏因假充官兵混過自係欲尋覓夥黨復思竄合
其在途次向陳見文問張長青王國賢如何投誠

安知其非誑語又安知非探聽張長青蹤跡欲往
勾煽勒保所稱此起楚匪入川有悔罪投誠之意
殊不可信逆匪餘黨如果有真心悔罪棄械投誠
者原可貸其一死至其中積年稔惡蹂躪地方有
何可憐憫之處伊等狡黠伎倆詭稱投出不過爲
暫緩誅戮之計現在該省兵勇尙有九千餘名此
等反側之輩爲數無幾惟當飭令該鎮將等實力

搜緝若非真心投順斷不可墮其術中此爲最要
德楞泰勦盡陝境餘匪後回至川省亦當督飭往
來邏察總須明歲春和一無萌動可期日久寧靖
再將兵勇撤回毋得稍涉大意至陝境零匪向西
南折竄昨據額勒登保奏稱擒斬數十名尙有一
百七十八人西竄青崗林一帶勒保當經飛調豐
紳等於交界處所迎探若逼入川界卽令四路兜

圍所辦甚是該省兵勇衆多如該匪被勦入川務
須速行兜擊剷除勿任奔逸爲要至覆奏長麟條
奏各款一摺所見多與朕意相合民間堡寨係因
避賊所築此時地方肅清小民等自已移家下寨
安居其有重資修築及舊有居民不願搬移者亦
應聽從民便至四面無依處所祇當勸令自行拆
毀若官爲辦理轉恐胥吏等藉此逼勒致有擾累

其收藏兵器亦應如所奏辦理民生之良莠原不在兵器之有無卽全行查繳如果民心未靖亦不能保其不復私造惟當飭知地方官妥爲緝緝並隨時留心查察如有私造器械者卽拏獲到官治罪則奸宄可弭其素長充當鄉正如果三年奮勉應如所議旌以花紅匾額若准其加級請封殊非體制自應毋庸置議

十六日丁德楞泰奏言臣於十月初六日行抵

漢中接准經畧額勒登保來信賊匪過漢江後

屢被楊遇春楊芳等截剿額勒登保又親帶官

兵在西鄉縣屬之觀音堂一帶迎剿殲獲甚多

現在祇剩賊匪二百餘名或竄四川太平或奔

巴山老林均未可定等語查該匪等大半皆係

四川無業游民湊聚山內經官兵搜捕緊急卽

思渙散竄出山外意欲逃生是以沿途行走並不殺害百姓現經額勒登保親督官兵緊追而楊遇春楊芳等亦均折回有此各路官兵分投勦辦斷不能久延時日

臣

又查湖北境內業已

肅清四川所剩零匪現有提督豐紳總兵田朝貴蒲尙佐副將羅聲臯桂涵等數路官兵搜捕足資辦理是以飛札總兵馬瑜將

臣

原帶兵勇

二千餘名帶領由太平取道迎剿此股賊匪前

來臣現由西鄉渡江入山並無隨帶官兵今此

股賊匪業已南竄有入川之勢相距穆家壩甚

遠臣也將汪啟所帶在南鄭防堵官兵二百名

並漢中協標官兵一百名共湊集三百名帶領

前進俟馬瑜帶兵趕到時再令此項官兵各回

防汛現在卽取道西鄉定遠一帶迎帶額勒登

保必當妥籌計議迅靖餘氛以冀仰紓

聖厯奏入

上命軍機大臣傳諭額勒登保德楞泰曰此股遺孽
昨據額勒登保奏到連次趕剿已截獲數十名此
時祇剩一百七十八人德楞泰發摺時自尙未得
信息此股竄匪現由青崗林西竄昨已有旨令德
楞泰會同額勒登保督率將領趕緊兜擊務趁全

夥奔竄之時悉力辦淨額勒登保德楞泰惟當遵
照前旨於月內辦完不可延緩至摺內所稱該匪
等大半係四川無業游民零星湊聚經官兵捕急
卽思渙散此次出山之後意欲逃生沿途並不殺
害百姓等語此則斷不可信該匪等先經燒燬兵
房昨復將副將大員戕害並傷及弁兵多名安得
謂之意在逃生有心渙散此時官兵爲數不少正

當上緊趕捕卽賊已四散亦當悉力窮搜勿遺醜
類不可先存招撫之見希圖解散之事卽該匪見
官兵勦急相率乞降亦當密察其實係真情悔罪
如張長壽王國賢者方可貸其一死切勿墮其奸
計以致來春撤兵之後遺孽復萌此爲最要不可
姑息

十九日

庚辰

吳熊光奏言竊照楚省房竹零匪前

次分竄入川當經遊擊薛忠全趕赴川境會同
川省都司史定川併力襲殺嗣據總兵慶溥稟
稱薛忠全復同史定川等追至川境大黃溪殺
賊五名生擒一名餘匪無幾滾崖逃散等語至
前由邊界截回楚境零匪十餘人經呢瑪善帶
領兵勇搜至房縣東方嶺崖畔見有賊匪數人
該匪自知無路逃生遂滾崖跌落深坑被兵勇

用亂石擲斃並據總兵吉林泰稟報外委周紹
相在歸州鄭村地方搜見賊匪一名經兵丁李
順用矛戳斃又據總兵慶溥等稟報外委楊勲
等在百子垵老林搜獲賊匪一名兵丁謝光才
等在八留廟老林搜獲賊匪一名保康縣寨勇
黃至仁在金斗坪搜獲賊匪一名東湖縣卡兵
楊恒等盤獲賊匪一名俱訊係逃散餘匪曾經

打仗殺人飭令一併正法並據各鎮將稟報現在往來會哨逐處搜巡地方均各寧靜並無賊匪蹤跡等語再連日接據探報陝省南山餘匪已於七星壩竄渡漢江逃往西鄉之白沔峽十二嶺一帶臣查楚省邊防係於本年六月間經

德楞泰

奏明安設因惟時陝省漢江之南已就廓清是以

二竹西北二面與陝境界連者未經安兵其所
設營卡俱在南路川楚交界處所茲陝匪已入
西鄉與二竹西北兩面雖相隔尙遠而路徑在
在可通南路各卡又未便抽撥正在籌畫間適
接經畧額勒登保來信現在陝省官兵俱緊顧
東面向西南追剿等因是以臣卽飭竹谿竹山
二縣各集團勇以資防範就目下楚陝而論客

兵鄉勇俱可陸續裁撤但陝省賊股人數稍多
並聞川省零匪亦尙未盡是此時楚省南路各
邊卡尙未可遽行裁汰除將擬撤鄉勇章程另
摺奏明容臣察看情形俟可撤之時卽先行遣
散外至兩廣湖南官兵應俟川陝一律搜捕將
次完竣再行凱撤以昭慎重奏入

上命軍機大臣傳諭吳熊光曰此次楚省將弁及地

方寨勇殲擒零匪又有十餘名現據各鎮將稟報
逐處排搜並無賊匪蹤跡但楚境自房縣二竹及
歸巴興山一帶全係大山老林其中險陡處所最
易藏奸且刻下深山沍寒將弁兵勇或憚於涉險
率以無賊稟報殊未可信即使楚境實無餘孽現
在陝省山內之餘匪一百七八十人竄至川境額
勒登保德楞泰俱會同合剿設使剿捕緊急復零

星倫竄入楚亦不可不嚴爲防禦吳熊光惟當督飭慶溥吉林泰李天林呢瑪善等於各處山內嚴防會哨務期實在肅清不留遺孽至摺內稱楚省南路邊防尙未遽行裁汰現酌擬撤勇章程俟可撤之時先行遣散鄉勇其餘官兵俟川陝搜捕完竣再行凱撤等語自應如此辦理所有兩廣湖南官兵總俟川陝一律搜捕淨盡額勒登保班師回

京德楞泰亦回成都將軍之任方可撤令歸伍此
時毋庸亟亟

吳熊光又奏言楚省餘匪現已零星無幾易於
搜捕所有鄉勇應察採川陝情形以次遣撤惟
此等隨征鄉勇總必得於客兵未撤之前先行
安頓妥善方無後患

臣

查楚省隨征鄉勇向於

施南二竹等處經地方官招募本地民人教練

技藝派令隨營勦捕所有應支口糧銀兩亦由
原募地方官請領散給嗣因各勇追逐賊匪輾
轉深山之中相去原籍旣遠解送口糧每致遲
誤不能如期散放以致積欠累累是以前督臣
書麟等飭令改歸隨營糧臺支給不經原募地
方官之手迨後遇有陣傷亡故及因病遣回者
卽由軍營帶兵鎮將隨地招募頂補因而川陝

赴楚協勦官兵內散出鄉勇及隨營人夫皆得
應募充數愈久愈多遂至舊時練勇轉屬無幾
而原募地方官亦不能得其實在其帶兵不肖
將弁藉此弊混以少報多亦恐難免茲值撤遣

之時

臣

現在確切嚴查如有情弊卽當據實叅

奏至如鎮將隨營所雇鄉勇人數旣雜撤遣尤
宜慎重查此時總兵慶溥吉林泰李天林及副

將呢瑪善所帶鄉勇尙有二千數百名內除願
充兵丁者飭令取造花名年貫清冊詢明願於
何營充兵卽發交該營入伍其不願食糧之鄉
勇約計不過一千數百名

臣

現察探川陝情形

飭令各鎮將卽派原帶將弁親身管帶次第分
起就近前赴二竹房巴等處會齊

臣

專派文員

攜帶銀兩分赴各該處會同將弁遵照

臣

前次

奏定章程按名分給并將所執器械逐一給銀歸
繳如係二竹等處本地鄉勇卽責成原募地方
官好爲安插不時稽查約束其各鎮將自雇之
川陝等處鄉勇除按程每日加給飯食錢八十
文資送回籍外慶溥一路卽責成慶溥督率原
帶鄉勇之千總楊儒李天林一路卽責成李天
林督率原帶鄉勇之都司麻光裕吉林泰一路

卽責成吉林泰督率原帶鄉勇之叅將毛秉剛
把總黃興隆呢瑪善一路卽責成呢瑪善督率
原帶鄉勇之叅將王占熬各率同軍功首領妥
爲料理分途護送出境如有滋事別情卽將該
鎮將首領一併叅究以專責成並知會各原籍
地方官俟該勇等到籍後分別妥爲安插毋使
出外游蕩奏入

上從之

二十二日癸未方維甸奏言南山一帶雖已肅清

而林深箐密恐尚有餘匪潛藏勾結臣到陝後

以此事爲善後第一要務現已酌派熟悉情形

文員分爲數路郿鳳寶雞山內委興安府知府

龍萬育鎮安縣知縣呂朝選查辦孝義寧陝及

商州所屬山內委知府銜商州知州陳祁及秀

員等查辦盤屋山內委漢陰通判雒昂署盤屋
縣知縣益方泌及委員等查辦鄆縣山內委清
澗縣知縣高甲及委員等查辦洋縣石泉山內
委漢中府知府趙洵及委員等查辦凡山內道
路之遠近堡寨之多寡飭局分晰繪圖責令該
員等按圖遍歷督同寨長寨勇偵緝邇日已屆
冬令零匪潛匿老林無從得食恐於附近之處

偷竊搶掠

臣

飭令各員等逐路嚴搜務使廓清

山境據實結報俟

臣

密查確實毫無捏飾卽行

由驛馳

奏惟是地方官積習若上司督率稍寬卽玩延粉

飾一經認真嚴辦又復妄拏生事希冀見功

臣

駐劄省城耳目恐難周到應令臬司朱勲時往

稽查董率如緝獲真正賊匪由該司會同藩司

審明稟請正法如緝獲搶掠匪徒亦令該司覆
審明確遵

旨於搶奪本律上加等比照川省匪徒之例從嚴懲
治若係曾被賊裏久已逃回歸寨者准令寨長
鄉約具結編入保甲免其追究其游手無業之
人本非居住山內又無寨長鄉約保留雖查明
現未爲匪亦卽令委員帶出此等人數無多尙

屬易於安插如此分別辦理庶匪徒無從匿迹
山內居民亦不致稍有擾累可期綏靖地方奏

入

上命軍機大臣傳諭方維甸曰此次方維甸分派各
員鼓勵寨勇逐路嚴搜並令臬司朱勲認真董率
時往巡查務使廓清山境剷盡根株所辦好但必
須責成地方官實力稽查不可假手吏胥或致藉

端訛索並恐有妄拏邀功情事至南山地方遼廓
居民雜處已久卽將來餘匪淨盡後勢亦不能再
爲封禁但地廣人衆日久仍恐有匪徒藏匿其間
該撫辦理善後務當妥爲籌辦如出入道路雖不
能禁絕往來亦應設法令其歸併一二處行走庶
不致叢徑紛歧匪徒易於出沒其編查保甲等事
務宜行之以實持之以久則奸宄自無容身之地

二十四日

乙酉

額勒登保德楞額奏言賊匪因我

兵追急連夜由青崗坪筆筒觀任家坪一帶向

西奔竄楊遇春督率楊芳吳廷剛跟蹤追蹙

臣

額勒登保親率官兵由荒田嘴長嶺一路顧東

而進豐紳田朝貴因接

臣

札飭知有殘匪南竄

恐其遁入川境一面酌留官兵分段搜捕一面

均帶兵探剿前來

臣

隨飛飭豐紳由西面樓子

廟一路田朝貴由雞侯壩一路分投探蹤以收
夾擊之效初九日師抵麻池寺據楊遇春呈報
初七日探悉賊在巴山林涼水井老林分屯當
令叅將祝廷彪都司劉滿貴守備馬忠良挑帶
兵勇由梧桐坪老林自北向南堵截該匪去路
楊遇春楊芳吳廷剛親率馬步官兵由轉金坪
進擊均於五鼓起行次日午刻行抵賊屯賊匪

已邀約同竄楊遇春當飭兵勇分路趕殺外委
劉剛首先持矛衝入連斃賊匪三人兵勇吶喊
繼進深入林箐鎗箭並施又斃賊匪二十餘人
生擒劉老么等七名該匪均翻林竄向梧桐坪
經叅將祝廷彪等帶兵截擊又斃賊匪七名生
擒徐得升等四名餘匪盡向西南逃竄楊遇春
一面督兵追躡一面將獲犯耳記解送來營

臣

親加審問劉老么徐得升等供稱我們在山內
時本祇八九十人是李彪帶領後來零星裹脅
六七十人并擄背鹽之人四五十名湊合共有
二百多人逃竄出山又在鄆西地方一路裹擄
是以有三百來人被官兵節次趕殺已將李彪
殺死如今是一個姓王的一個姓馬的管事不
知他的名字衆人稱他們爲總管等供

臣查前

在山內趕剿時卽聞稱此起殘匪係李姓爲首
現又據獲犯供詞似屬可信當將劉老么等各
陳賊一併正法其被擄未及一月者卽予釋放
茲復探報該匪竄至紅洋河松樹壩一帶因聞
前路有豐紳帶兵前來卽折由馬家壩老林北
竄大坪楊遇春已過北抄截臣查大坪逼近江
岸尤須先爲抄顧隨派叅將哈豐阿劉健標挑

帶奮勇官兵五百名由塔壩河水沙坪兼程抄

截箭桿山

臣

率兵由拴馬嶺楊家河取道向西

北而進十二日行抵司上適

臣

德楞泰由西鄉

趕來

臣

額勒登保隨會同一路由杏兒埡羅針

壩一帶向西前進十三日據哈豐阿報稱十二

日午刻帶兵趕抵楊泗廟正遇該匪前起十餘

人執持長矛竹桿由溝內竄出當經兵勇上前

擒捕戮斃賊匪五人生擒二名餘匪六七人飛
奔折回後起賊匪知有兵來卽翻山南竄適楊
遇春親帶馬隊官兵由箭桿山抄來當卽合兵
一路向南跟追等情

臣

等現已行抵饋子山廟

定北面探報該匪經我兵追躡連夜狂奔菩提
河有遁向通江之勢查豐紳田朝貴已均帶兵
由川邊而來前後夾擊實無難迅速掃除

臣

德

楞泰前經札調總兵馬瑜帶領原兵二千名前
來備勦現在豐紳田朝貴已各帶官兵前來

臣

德楞泰可以就近帶領已飭令馬瑜仍在大寧
等處督率搜緝毋庸移動再據總兵馬瑜慶溥
稟報由楚竄川零匪經副將馬應國都司史定
川帶兵追至金竹坪詢知該匪假充官兵混過
當與楚省帶兵遊擊薛忠全會同搜緝據都司

瞿心能在沙沱寺獲賊一名又據田朝貴稟報
在白森坪搜獲賊匪九名殲斃九名又派兵搜
緝在燈窩老林獲賊二名在大寒溪搜獲賊匪
二名殲斃一名在寶峯寺老林搜獲五名又都
司龍必達搜獲一名又守備李思貴獲賊二名
又據陝境防勦總兵閆興阿稟報在沙壩地方
盤獲零匪一名均經訊明正法再總兵劉瑞稟

報遊擊李勝林在界嶺大梁搜獲賊匪苟文清
一名解經興安府周光裕訊明苟文清實係苟
逆堂弟充當僞先鋒勦潰潛逃被兵盤獲錄供
稟報當經臣飭令凌遲處死其餘營卡具報均
名寧謐奏入

上命軍機大臣傳諭額勒登保曰此次賊匪在巴山
林等處分屯經楊遇春等督飭兵勇分路趕殺殲

獲四十餘人並據各路稟報擒斬零匪數十人現在額勒登保與德楞泰已合兵一處所剩此起南竄餘匪據獲賊供爲首之李姓業已殲斃續經官兵剿殺此次又復殲擒數十人所剩實已無多而額勒登保德楞泰等各路大兵雲集軍威壯盛更無難尅期掃除但此時賊匪尙在奔逃其管事之王姓馬姓亦未擒獲如此旨到時伊等已勦盡餘

匪額勒登保卽可班師回京萬一賊雖勦散而未盡零匪尙有數十人分竄潛匿德楞泰係成都將軍卽交伊督率將領悉數殄除額勒登保卽可先行回京供職三省大功告竣已越一年今止剩此勦散遺孽若額勒登保久留軍營不獨外間妄生揣度卽蒙古王公等於年班來京見額勒登保尙未回朝亦未免心生疑惑殊屬不成事體額勒登

保等當嚴飭將弁上緊追捕以速歲事如能於一
兩旬內一律殄平額勒登保再行振旅凱旋更爲
萬全自屬妥善否則約計年前必須到京自何處
起身先行具奏不可再有延緩再本日所奏拏獲
賊匪內又有苟文明堂兄苟文清恐各處深山老
林尚有從前漏網賊目潛藏在內卽如苟文明之
子苟朝九戕害穆克登布之余佐斌俱未經拏獲

此外似此者安保必無其人額勒登保等應督飭
嚴搜務期淨盡爲要

二十九日

庚寅

勒保奏言據署雲陽縣知縣梁敦

懷稟稱九月二十八日夜間有零匪十餘人由

大寧竄入該縣所屬大水田一帶向寨民聲稱

要找尋張長青赴縣投首梁敦懷聞信卽派委

軍功人等帶同張長青前往該匪夥內頭人王

相卽帶領同夥共十九人隨同張長青至縣梁
敦懷提案查訊據王相供係陝西紫陽縣人先
充黃號僞先鋒今年八九月間尙有一百多人
因在湖北地方屢次被官兵勦散剩了四十餘
人逃到太寧縣萬古寺一帶我帶同十九人由
金竹坪一路逃來沿途只說塚事官兵所以沒
人攔阻還有一個僞總兵趙超拔帶了二十多

人分路往太平去了我聽見張長青王國賢等
俱因投出免罪所以情願投誠的梁敦懷當卽
面加曉諭錄取供詞具稟前來

臣

查該匪等由

楚竄川一入大寧境內卽棄械奔逃體察情形
卽知其有悔罪來投之意今旣據投首自當欽
遵節奉

恩旨免其治罪仍飭梁敦懷查照歷次辦理章程訊

明保釋又據太平協副將李廷臣太平縣同知
鍾璠雲稟報九月二十九日該廳鄉約張明送

到投誠賊人趙超拔白狗兒二名經該廳鍾璠

雲錄供稟報前來

臣

查閱供詞與王相在雲陽

所供一一脗合當飭該廳准其投誠安插又據

梁敦懷稟報本月初二日續有黃號零匪聶登
足等四名赴縣投首查訊供詞卽係趙超拔夥

內之賊聞知王相等在縣投誠免罪是以亦來

投首等情

臣

當卽批交梁敦懷一併查明辦理

又據總兵田朝貴稟稱派出搜山之叅將羅思

舉在大寧瑪瑙溪搜獲賊犯二名守備李思貴

在開縣亮埡子搜獲賊匪二名查訊均係趙超

拔所帶之賊當卽批飭就近正法

臣

查此起零

匪由湖北入川本有四五十人內僞先鋒王相

所帶十九人業經全夥在雲陽投首偽總兵趙
超拔亦已赴太平投首其所帶夥匪二十餘人
計隨同趙超拔投出一名又在雲陽投出四名
又經官兵搜獲四名現在未獲餘匪不及二十
人尙無下落臣仍嚴飭各路文武認真查緝毋
使一名漏網至陝西竄渡漢南之匪由白河峽
羊溪河南竄至馬家壩等處因聞川界有兵防

堵卽折回西鄉之巴山林箭桿山一路此時距

川界漸遠

臣

昨接德楞泰來信欲調總兵馬瑜

帶兵隨征

臣

查馬瑜現在巫山大寧一帶防堵

若調令隨征則東路未免空虛因思田朝貴一

路兵勇現在亭子廟竹峪關一帶距陝較近正

可隨同德楞泰與陝兵夾擊集事是以

臣

一面

寄知德楞泰一面卽飛飭田朝貴就近聽候調

遣適又據田朝貴稟稱該鎮先奉額勒登保札

調已於十三日帶同桂涵羅思舉各隊兵勇全

赴陝境額勒登保軍營聽候調遣等語

臣

查川

境雖已無賊但田朝貴桂涵羅思舉等同赴陝

疆則太平沿邊一帶數百里無兵防守未免空

虛是以

臣

又信商額勒登保將田朝貴一路兵

勇二千餘名留在陝境隨同德楞泰供征其桂

涵一隊鄉勇五百五十名羅思舉一隊鄉勇四百五十名仍令回至太平邊界防範至巫山大寧一帶毗連湖北各處仍嚴飭馬瑜等認真搜查不得以現無賊蹤少有鬆勁奏入

上命軍機大臣傳諭勒保曰此次王相等十九人在雲陽縣投首經勒保批交該縣分別遞籍保釋此等匪犯既已棄械投誠自當免其一死但必須分

別安置不可令其聚在一處致滋事端倘安插之
後不安本分卽當嚴行懲辦不可姑息至未獲餘
匪不及二十人勒保當嚴飭各路文武認真查辦
如果畏罪投誠自應貸以生全妥爲安置倘敢臨
陣抗拒必應痛加勦殺人數無幾亦不難搜捕淨
盡也至摺內稱札商額勒登保將田朝貴一路兵
勇二千餘名留陝隨德楞額泰勦捕其桂涵羅思舉

所帶鄉勇仍在太平邊界防範所辦亦是昨據額勒登保奏稱田朝貴已帶兵由川入陝德楞泰就近可以酌量帶兵等語此時陝省南竄之賊所剩亦不過百餘人昨已降旨令額勒登保將此起殘匪上緊剿殺如祇剩數十人卽專交德楞泰搜捕額勒登保卽先行回京現在川境業已無賊所有陝境邊界未盡餘匪勒保自應分派鎮將幫同德

楞泰剿捕如能將零匪一律剷除德楞泰再於各
山內搜捕淨盡即可回成都將軍之任勒保帶兵
在外已久亦可回省辦理地方事務